

沈乃文 主編

明別集叢刊 第二輯

第四十九冊

黃山書社





國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第四十九冊

黃山書社



(明) 朱厚煜 撰

居敬堂集一卷

明嘉靖吳郡袁氏嘉趣堂刻金聲玉振集本

集部別集類

摠目未著錄

明清綜云王文皇帝第三子趙簡王高燧之來孫
正德十六年罷封嘉靖三十九年薨

明趙康王朱厚煜撰

居敬堂集

金聲玉振集刊

（金聲玉振集）

趙康王夙抱至情，穎異不凡。蚤歲奉

範勵志嚮道耽文嗜古敦尚簡素屏絕

嗣封後恪遵

皇祖之訓祗覲

聖主之

光乃益肆力於學蒐羅羣典探索願微文士經
生日在賓列言動被服必於儒者尤篤愛四聖
易凝神覃思昕夕弗輟遂自號枕易云宮左有
堂曰居敬日讀書於其中暇則操觚揮毫或留
心著述或游情文詠厭流俗之陋習闢治世之
鴻裁秉哲匠之巧心聘作者之逸軌其文譬若

冠冕佩玉儼居於廣庭和鸞旂章徐駕於周道
人之望之有不肅然而起敬者乎論者謂當傳於
世無疑也鄉也聞諸長老曰文之爲道菁華蔚
麗根於性靈者也情理淵奧由於學力者也兩
者皆得其文必極夫王公貴人位高志亢而能
折節於問學厲精於文詞非性固有之而心誠
樂之何若是之醇也斯尤人之所難也衛風詠
有匪漢史稱大雅韓子曰仁義之人其言藹如
也主寔兼之矣嗚呼盛哉訃敬敘其大略如此
若夫茂德遺行則有旌孝之章與 賜謚之策

在茲弗敢瀆述焉

嘉靖四十四年歲在乙丑季夏之望

賜進士資善大夫太子少保吏部尚書兼翰林

院學士安陽郭朴謹撰

居敬堂集

(金聲玉振集)

撰述

趙王枕易道人著

題九邊圖論後

許子此論長慮遠識出人意表近日群公建白皆其緒餘使得早試朝廷不厯於宵旰生民不罹於荼毒惜乎斯人斯言斯時方用至於洩我之秘示人以璞許子亦不能不任其咎也

廣設備以禦點虜疏

臣於嘉靖二十一年七月十八日謹以守隘四事昧罪上塵聖聽近得邸報方知兵部已

居敬堂集

一

先議題會兵防守臣井蛙之見誠不足以裨時務之萬一但虜前至遼路止隔一山人民驚惶生理大廢官軍漸集糧草不敷盛甲俱少器械未利益有司當局之觀不及其旁處誼之恩不迨於靜寔聖主憂顧之時正親臣效死之日深媿無才且嬰多病雖不能如曹植之求自試欲竊比卜式之願助邊既弗私計身家何暇更惜財用况皇都之南最近者臣封四野平漫可恃者此口近口武涉二縣土瘠民貧薪水糧草供辦甚難願將林武二縣臣本年歲額

祿米一千九百餘石行移彰德府盡數那借供

軍雖滴水不能溢海亦可以蘇一方民庶輓運之勞暫息二縣官吏奔走之急臣觀邸報見得兵部尚書劉天和題准討論神臂牀子弩之制誠為有見昔韋叡用之五十弩共射一人而大敗強魏吳玠用之更休迭戰而坐拒金兵裴環發牀子弩射殺蕭撻廝虜大挫衄此其明驗也今有司素憚查盤之煩且無定式可效乞頒式樣於各緊要處所如法速造如彰德府連年傷災公私匱乏臣與同舟豈容坐視願將林武二

居敬堂集

二

縣臣接年未收祿糧交付委官成造功弩發與守口官兵習用攄微臣犬馬之心倡諸藩忠義之氣臣又惟往歲皇上巡幸荆楚有事顯陵臣以待罪親藩亦與朝謁荷蒙賜臣璽書歲加祿米三百石即欲具奏辭免但唐汝伊三府係臣尊屬未敢先焉蓋比時大臣行邊重臣居守文武扈從撫按供饋回鑾之日不過金帛之給臣獨有何功敢膺重賞况當此用兵之時主客軍需遠近告匱伏願收回成命以養戰士庶臣心少安臣懼少息臣叨列

親藩義同休戚凡所聞見不敢不陳伏望
皇上垂憫親親少寬斧鉞之誅 宥臣出位之
罪乞 勅戶兵二部詳議如有可採俯 賜施
行臣無任隕越待罪之至

吳兒峪詩一首

鎖關金鎖倚天開粉堞連雲萬雉排自是將軍
能闢地却移邊戍向南來

自述

十六封王今六十丹心雖在鬢如霜兒孫莫笑
顏衰老曾向鈞天侍玉皇

居敬堂集

三

再辭旌異疏

先該汝源王見淇等不令臣知舉臣孝行臣已
具本乞 賜停止未蒙 允俞臣日夜愧懼身
無所措始臣居喪初無他異但求免得罪於名
教而已不意見淇等張皇如是其意不過假臣
一人以爲後人勸耳臣惟因賞而盡節其人必
不忠因勸而供養其人必不孝且 皇上平
日以高爵厚祿養臣宗室正欲其明此五者之
倫以夾輔 王室也其合修職分與其他庶民
勸賞而後行者不同今若不求其實乃曰表一

人而衆人勸是舉天下宗室相率以爲僞者實
自此始伏望 皇上允臣所奏庶臣愚鄙之
心亦可少白於天下後世矣

諭子成臯王

書諭載琬汝母之喪汝哀毀踰禮幾成大疾今
始瘳乃又徒跣扶柩予心踧踖可於離村遠處
暫就鞍乘不致顛越亦云孝也勿方吾命汝其
勉之

雜言三章

化之入人豈不深哉夫病狂者變易白黑倒置

居敬堂集

四

天地然齊之狂者齊語楚之狂者楚語習化深
也能使吾民浸漬教化習染仁義若齊人不得
不齊語楚人不得不楚語雖有鬲鑊不能劫其
偷爵賞不能誘其亂

水之清者可以鑑鬚眉濁則不能見天地心之
清者可以應萬事昏則不能反一隅人之視水
愛其清而自視不免其昏與濁不自反故也
雄之山出石類玉溫潤涵瑩玉也光彩煥發玉
也質理藻濯玉也染油則不能滲入火則不能
完故君子惡似是而非者

原禮賜典儀官

傳曰禮由人起人生有欲欲而不得則不能無
忿忿則爭爭則亂先王惡亂故制禮以防不繩
而直不規而圓不持衡而平不假著龜而不可
欺以詐僞禮之爲用也大矣三代以下握乾符
而登九五者由之而治背之而亂無一於此而
亡秦至無道坑儒生焚詩書百家語猶且采六
國禮儀雖不合聖制而亦賴是僅存漢代秦而
帝去古未遠宜能復三代之禮而爲治於天下
然高帝不學而佐非真儒故其爲治不能復於

居敬堂集

五

三代殆亦叔孫通之責歟方叔孫通說帝起朝
儀帝曰度吾所能行者爲之於乎此魯兩生所
以不行也微兩生天下萬世不知有三代之禮
無叔孫通則漢亦無君臣之儀而漢果足以當
先王之禮邪我 太祖奮起淮甸汛掃胡元
車書文軌靡不會同復命儒臣定擬三禮越明
年再會儒臣議典禮與洪武禮制而 列聖
復有大明集禮永樂大典禮儀定式稽古定制
大明會典等書復設禮部太常寺鴻臚寺在外
王國設典儀引禮等秩真足以洗叔孫之陋雪

兩生之恥也陳生予戚也蒙國簡用方授是官
故作原禮以賜之陳生尚勗諸

紀客語

客有懷科舉程度之文見者予難之曰安事此
爲士生熙世達則贊皇猷敷治化代天工立人
紀爲商說周望窮則樹清節敦素履扇高風述
聖典爲仲武子陵烏在拙黃對白駢四儷六割
裂經史剪裁傳注殫英俊壯銳之精鑠知仁聖
義之性上之所求下之所舉舉天下士子于此
焉出使之無真儒以經國無名將以定亂無巧

居敬堂集

六

工以創物無明醫以療疾無良史以紀事職此
故也且糊名易書孰與玄纁聘幣棘圍防範孰
與安車蒲輪版屋席舍孰與臨軒前席是以儒
日絀而經日晦矣奚庸詭隨世好事此爲哉客
曰子真闇於經典不達變通夫三五尚矣自周
官賓興之舉不行而有漢之方正孝廉法久滋
敝而有魏晉之九品中正推舉冗濫而有隋之
秀才唐之詞賦至宋始全 經義取士我 朝
因之黜詞賦之浮靡用策論之質實雖糊名則
取唐之武墨程式則取宋之安石惟采所長不

嫌猥陋非此而出謂之倖進非此而習謂之邪術傳之萬世斯無弊矣如薛敬軒章風山羅整庵之理學穆玄菴崔後渠之經學何栢齋馬谿田之清節于肅愍王陽明之武略李空同何大復之文詞此數公皆發身科甲事業文章凌跨百代誠不可誣必欲從古子何遠茹毛飲血而嗜八珍五味邪予自知失言乃謝客退而掇撫其言以志吾過且舉贈令之習舉子業者

讀黃帝素問

予讀黃帝內經素問愛其文雅義該竊獨疑其

居敬堂集

七

非黃岐舊文所疑有三焉一曰名物之疑夫上古聖人作物適用立名便稱匪物曷名匪名曷稱素問所引多堯舜時事黃岐雖聖何由前知如飲酒燔炙軟血九州之類是也二曰音韻之疑周公彖易孔子刪詩其間韻語多用叶聲是書遠在二經之前反用沈約顧野王江左之音如生榮平明藏光張章之類是也三曰字畫之疑許叔重上取六經旁蒐百氏著說文解字不應獨遺乎此顧其字乃出叔重之後如痺疔痛舛齡頤版𩚑髑髏之類是也於乎歷年長遠豈

無舛訛存義設疑以俟來哲至於法攝養以保身窮病態以惠民察運氣以燭理辨陰陽以俟時明智君子亦有所取也夫游三才之原探萬化之本要非聖賢詎能有作夏蟲疑冰凡夫非聖罪我者其以是歟

七友堂記

今上即位之五年歲豐人和予以奉藩之暇留神典籍乃於宮城隙地構室七楹日讀書其中扁其正室曰七友堂蓋予貯書數萬卷古今名畫千餘幅端研一背有睿思殿記寶宣和故物也晨一貯水終日不竭古琴一銘曰老龍吟撫之泠然沼內木已腐非數百年不能若此古瓦壺一冬月浸梅不冰常時浸雜花數日不萎劍一倭國著草牀一予友此七者足以永日西園詞客竹林酒徒恐不得加我知此心者其永叔乎漫記堂壁上

筌齋記

客言某乙以玉爲筌曰無之有則吾不敢當也夫筌之爲用大矣夏暑則以春溫爲筌冬寒則以秋涼爲筌晝作夜息息非作之筌乎夏葛冬裘裘非葛之筌乎力盡三農秀連九野則耕耨乃稼穡之筌三牲旣陳五味斯備則鼎釜乃烹

飴之筌棘園鎖院糊名易書則詞藝乃仕晉之
筌土龍芻狗乃禱祀之筌靈著寶龜乃卜筮之
筌重函長棘乃戰鬪之筌玉盤金牟乃宴享之
筌寒氷之筌也雲雨之筌也至若陰陽消長盈
虛倚伏升降通塞遞相爲用而遞相爲筌無物
非用而無用非筌第不知筌爲我邪我爲筌邪
問之左右左右不知問之官吏官吏不知問之
國人國人不知乃取之記我筌齋壁

先師孔子贊

帝王之心履載之仁畫古今夜人天下民

居敬堂集

九

與翁見海憲副書

執事以斗山重望表著江浙 寵膺 簡命視
學中土迷途望方之士莫不改觀不變相慶得
師矣昨具荒儀聊將賀敬想達聽覽企望丰采
虛懷方汲汲也願待願待近接南來諸大夫備
道執事校士參稽行實大正文體崇賢去謬不
事姑息多士凜凜其最得憲體者乎仰羨何旣
然予竊爲中才慮焉夫天之生才不數國之造
士有漸細縕之久涵育之深然後發聖出焉以
翊 昌朝而樹鴻烈虞惟五臣周僅十亂未易

多得也故珠玉瓦礫錯陳於世使貴賤有章各
適於用存乎人爾先民定之章程俟以歲月皆
爲凡庸記也多士生此衝方限於寡陋加以多
無恒產撓於家累俗抱蕪辭漫無所發間有抗
志沉思學僅成章者其能愜願望而動稱賞亦
已罕矣此伯樂所以多擯而不顧也夫除莠養
禾秋令也矜愚嘉善春仁也天不以荆棘而廢
生君不以頑鈍而弛教思齊之詠曰肆成人有
德小子有造量才而異施隨分而各足予於昭
代之士常以是期之然愛惜長養鼓舞變化使
才皆通方世無棄物斯觀風化者之任也予不
揣謏劣故爲執事陳之諒亦權之素矣南北殊
方風氣迥別寒燠異宜調攝當慎尚爲天下國
家養重萬萬不備

弭節榮封詩序

予友鈔君鏡池少負雋才志邁往不羣始爲錄
牒弟子已見知後渠先生深器之與予又最昵
善君兄弟皆登鄉書始典學曲阜遷令寧國皆
有殊勞書上考時方望其崇陟樹顯功君雅抱
冲素不樂瑣瑣圖簿親吏事磬折下人播然挂

居敬堂集

十一

思

冠歸即并邑與姻舊相過從綸巾野衣不御車馬高會燕笑引杯長吟秀句突兀往往驚坐尤工倥傯屈信之旨洞極玄秘暇恒過予與下上論議頃刻纚纚萬言不休然未嘗一及時事予亦幸飲河焉且謂鏡池君善習隱矣平居獨刻意教其子介介亦沉靜篤學下帷十年嘉靖壬子魁省薦嗣歲舉進士守尚書戶部郎再視事皆主劄饒時南北馳軍書京師特嚴武守國用殷湊獨能以廉勤奉職居會府有賢稱故秩滿得錫典命封鏡池君如其子官及母氏為安

居敬堂集

上

人人咸曰鏡池君裕珪璋之器惜斬其施士論扼腕乃無心顯貴而顯貴偏之崇晉方漸謂不負其學也又曰君恬實穎之操且矜利祿雖縻以好爵弗撓官守獨得翳林樾與烟霞相羊謂不奪其志也是歲冬天子命介監十二漕率之事於江東遂奉寶書南出鉅鹿由趙邯鄲濟洹水稅駕韓陵之陽晝繡桑梓鏡池君偕其夫人白首康寧登堂為壽式燕以喜劍佩上客雍容周旋虎韞魚服之士翼而趨偃僂進退就小曰戶部之省覲不至榮哉矧夫銜命千里靡

鹽弗恤竭事君之忠承顏一堂此離是慰篤將父之孝誠厚邦典重倫敦也宜登聲歌用播厥美命曰弭節榮封而作詩云太行崔嵬左引鄴封洹漳經之輪臺其東孰是輿粹駿發孔碩猗嗟吉士如金如璧于以采芹尼山之傍亦藝縣花茂於陵陽言申厥毓振振弗替振射宰廷朱芾用繼聿崇版曹敷教是參經國有猷以克懋官千艘北漕爰重邦計往巡於南臨其層序廼奉絲言出自國門遙遙幢節其從如雲子有父母芝錫方腆有業車門是曰能顯案節

居敬堂集

上

飛郵褰帷上堂饌章鸞鈴載路其光娛采奕奕結駟裔裔厥維寧慶有懷斯慰踐之豆遵考以鼓鐘衍驪黃髮其樂溶溶君子攸行忠孝作則式是弗匱會於皇極簡簡綏祉嚮咨若逢永言後之百順來同

御史大夫党公七泰壽詩序

御史大夫賴東党公登壽七泰歲戊午仲春爰始降嶽褰羸之士若厥懿好胥踐豆遵敷言以祝樛李張子順齋夙以文學知幸于公廼至自京輦將絕大河觴公賴水之上繫駒永夕比于

鄴郊亟徵余言余惟禱頌之至達諸升歌凡以昭功德植愛敬也古今攸憲宜莫如詩是故羣情協而申錫之望興焉曰降爾遐福惟日不足明德著而昭受之孚至焉曰豈弟君子福祿攸同素履順而考祥之徵合焉曰既多受祉黃髮兒齒燕享迨而引翼之休播焉曰壽考維祺以介景福公之世望於鈞也褒然方聞緹學登朝立政懋官丕顯弘績益以覆被寒賤吐握英髦流聲中土風動方夏靡不知有公在焉羣情協矣內植天經外藻瑰行金土厥度光于前修

居敬堂集

三

故畜爲道德融爲文章發爲經綸樹爲勲業咸足以標懿人代而延輝來裔也明德著已倣自筮仕佐計會府於越典憲馴遷左轄比陟司馭遂服法冠保釐幽燕入柄柏寺簡在方殷懋焉請老窮達進退屢易途轍頽仰丘樊泊無外慕純心天游高介山立確乎不可奪也素履順已裕臻希齡登禮上庠乃誕育胤子蘭芬玉粹繼述不替佑啓愈光麟趾象賢克昭錫類甘膺金石錯于璋辰燕饗迨已是故天保者章其孚也旱麓者宣其懿也閼宮者視其履也行葦者

觀其成也天之壽公與公之自壽繇以篤無疆之慶咸於是在有弗克憲厥履而徵諸其逢哉廼序述如右系之以詩

禹山之西潁谷有原苞絡三河委輸百川左漸扶桑右合濛汜乃經豫彊乃列星紀維水有祥駿發其融彼隳效順篤生鉅公惟此鉅公金貞玉粹顏趨孔武溫溫克類二酉崔崔則席其涵三峽湯湯則挹其瀾投射射聿升媚于王國八政斯贊五教繇弼載秉蕃垣亦奉屬車茸蠹外撫蘭臺內居邦之元良鼎鉉伊邇言懷考槃

居敬堂集

古

曷曰遄止采苓思比茹芝可招振鷺逾潔其鴻自遙葆冲順神洵豫且樂有業巖廊莫禔林壑廼召太和廼萃蕃禧綬慶宵止玉燕春飛弧矢斯輝邇豆有衍天申在公降福簡簡允哉岡陵弗崩弗騫獻瑞作朋於昭百年

居敬堂集終

(明)王畿撰

龍谿王先生全集二十一卷

明萬曆四十三年丁賔張汝霖刻本

